



土岐文庫
文庫17
W61
2



20-2

文章 17
W61
2



蜀詩卷第五

明

新繁費經虞仲若輯

岷陽孫澍子舉校訂

楊慎二

春夜望月

今夜南樓月中天北望。餘星河分字。縣鐘漏隔京華露。砌光含竹。春江影泛花。畱連榻。樽蟻城樹已啼鴉。

下連山

一筓青瑣直。長望碧山阿。鄉樹雲中出。京塵馬上多。鈞航依水竹。精舍入烟蘿。春色催歸興。風光發嘯歌。

早發解州

六之八十一

孫氏

昭和六十年二月一日贈
土山善唐氏寄

010185186178

旅宿先鴉起。歸心與雁爭。冰霜殘臘路。花柳上春城。隱士非西笑。騷人感北征。勞生應物理。奔走愧浮名。

沙河縣

空磧少人烟。孤城大道邊。平沙盤馬路。殘雪射鵬天。野日三竿上。河冰百片穿。條風將變柳。客思感流年。

孟津二首

檣櫓橫移岸。樓臺背枕河。飛薨臨積水。懸雷下洪波。蛟避荆飛刺。龍驚女激歌。長年憐估客。風浪飽經過。河曲風烟古。天涯旅望深。津樓環日澱。碣石帶雲岑。竹箭春沓溜。蒲帆暝逗陰。岷源千萬里。何處是江潯。

咸陽

帝里繁華歇。神皋歲月多。秦城依北斗。渭水象天河。顏堞無遺土。驚川有逝波。塋陵沈霸氣。松柏起悲歌。

青橋

閣道盤雲外。郵亭枕水涯。猿猱臨客路。雞犬隔仙家。風起青塋樹。春迷玉洞花。旅懷今夜豁。停幘問褒斜。

梓潼道中

小市孤烟起。平岡落日斜。素林驚夕鳥。錦石戴寒花。帳別關河晚。憑高眺望賒。上亭今夜月。流影照還家。

層臺驛

陡坡千百磴。破店兩三家。濕竈薪無燄。磽田飯有沙。瘦兵宵擊柝。猛虎晝磨牙。行路難如此。羈愁一倍加。

觀刈稻紀諺

平章門外路散策喜涼天雨漲青蛙水霜澱白鶴田林
塘聞牧笛墟里起炊烟欲問滄洲趣滄洲趣不傳

九日遂寧縣郭西登高

烟霞萬里開鴻雁幾行來江近飛鳥國山高戲馬臺霜
華沾旅眼霞影落仙杯坐惜佳辰晚村春未擬回

夜泊

夜泊中崑下扁舟對萬峰一星高岸火幾杵上方鐘水
落灘聲急雲低雨意濃何人吹鐵笛潭下惱魚龍

清源樓觀漲

夕照飛欄外洪波古堞前山收元豹雨江展白虹天牛

馬迷昏谷魚龍失故淵樵人歸太晚隔浦認炊烟

九月望日與諸弟夜泛

嘉木繞通川空林眾籟傳江天清近榻霜月冷侵船盡
日供愁坐連宵只醉眠不同池上酌何事有新篇

次夜

南浦風光潤東林霽景饒灘聲喧昨夜峯影漾寒潮行
牒尋烟語停杯待月邀清遊不隔日玉樹好風標

登金華山玉京觀中有陳子昂書臺

巴嶠亭前立涪江檻外斜雲堂開洞府雪木上烟霞葉
響非關雨林香不是花玉京如可到從此問丹砂

寒夕

璧月寒生暈。銀河凍欲冰。簷花穿霧松。窗紙戰風稜。桂
火噓難燄。蘭膏坐自凝。新梅如姪女。妝束待晨興。

寄王雲巢

紅塵厭市塵。白首伴雲眠。巢父元無地。壺公別有天。北
山迴俗駕。南嶽定詩禪。莫訝鷓鴣細。逍遙且大年。

懷韓子中

風流點蒼彥。天骨乘黃奇。出宰千家邑。歸無三徑資。蘭
亭傳墨訣。草閣伴多思。怊悵湯田別。深杯欲暝時。

寄張愈光

劉安悲落木。曹植感飛蓬。夜雨燈前夢。秋霜鏡裏容。綿
綿思遠道。戚戚苦無蹤。何日來仙駕。青天騎白龍。

寒食見梨花

寒食春藏寺。晴光水見沙。老僧閒貝葉。邀客看梨花。塵
外冰壺瑩。風前玉樹斜。洗妝猶待雨。春態倚雲霞。

贈別陸後野

邂逅叶心期。燈花對酒卮。浮雲遷客夢。明月美人詩。館
曙鳴雞早。關寒度馬遲。行過宜祿驛。好寄世南碑。

送人之吳楚

佳麗東南地。登臨罨畫中。竹雲籠渚曉。梅雨澹烟空。風
順帆如馬。天高月似弓。哀歌休拔劍。槎上覓仙翁。

乙酉元日新泰館中喜晴

白日臨元歲。多雲放曉晴。城窺冰壑迴。樓射雪峯明。客

小八
鯉何時到賓鴻昨夜驚離心似芳草處二逐春生

折楊柳

白雪新年盡東風昨夜驚芳菲隨處滿楊柳正多情染
作春衣色吹爲玉笛聲如何千里別只贈一枝行

青橋驛

鐵壁千秋雪冰崖萬壑雷人家比星繫鳥道入雲回旅
寓山河隔鄉心日夜催客行春又夏不見捷書來

渡黑龍江時連雨水漲竟日乃濟

飛鷁朝暎霽停驂午漏分客心隨水急人語隔江聞雨
過泰晴氣風生沒縠紋中流歸棹穩跂望有來羣

憶用敘弟

阿弟遠行役一年無定居勞二恆念爾寂二正愁余日
月攀芳樹雲霄隔素書燕南池草綠應好賦歸與

遊中崑寺

高閣諸天近長江客路分帆開山吐月鐘動水連雲漁
唱迴宵起樵音隔浦聞佛香渾不斷散作南岩薰

次胡孝思中崑韻

翠微連寶地青靄厭雲堤俯瞰行人小平瞻遠樹齊振
衣淹暮屐迴棹聽寒聲雨歇楓林靜荒雞尙未啼

重過華清宮

繡嶺仙人閣華清玉女湯山川猶氣象臺殿久荒涼暖
水生烟霧寒松受雪霜碑文無歲月螭首臥牛羊

臨晉道中

茅店昏烟集榆鄉。燎火開宵征何太急。瞑望忽相催。月樹羣鴉散。霜橋列騎回。嚴城聞漏點。星宿滿樓臺。

送王維賢吉士出知廣德州

朱方新出守。玉署早知名。邦域周千里。文章漢二京。鳳皇天北顧。鴻雁暮南征。清賞何由共。瓊枝別後情。

周彥通侍御秋齋

鳳皇巢扈閣。蟋蟀在西堂。廬是承明地。園非避世牆。清琴宵弄月。白簡晝飛霜。采二籬邊菊。相期重晚芳。

朱惟信早發至古店以詩見寄次韻

井轄虛投夜。河橋暝發時。明星將夙駕。重露欲沾帷。南

浦蘼蕪合。東風楊柳垂。回風飄錦字。空谷寄遐思。

送鄧士曾繼曾給事以言事謫金壇

千里泛滄波。孤蹤寄薜蘿。風塵隨燕雀。水國傍鼉鼉。湘浦捐春佩。承明待玉珂。華陽雖咫尺。未許聽仙歌。

新秋悼亡

黃葉擁階深。秋聲雜暮砧。天空孤鶴唳。露冷百蟲吟。錦暗宵衾色。瓊沈曉佩音。可憐搖落節。感此倍蕭森。

永寧諸賢送至魚鳧關

遠送魚鳧外。離情奈若何。今晨歧路泣。昨夜燭房歌。西上滇雲影。東流蘭水波。生還如有日。相伴老漁蓑。

寒夕

大
三
日
五
十

蜀詩卷五

六

古棠書屋

東西垂老別前後苦寒行旅鬢年二禿羈魂夜二驚春
菹胸內貯石闕口中生讀書有今日曷不早躬耕

畢節簡蔡席二廣文

鶉衣裹凍身荒館夜難晨冷榻誰相伴寒鑪獨可親途
窮千慮失天遠四愁新夢裏兒童戲醒來倍愴神

臘八日與墨池野酌遲荃月渚

散步謫仙橋嚴寒酒易消雲容將變朔風信已鳴條只
爲朋從好渾忘旅寓遙清吟遲月渚剪燭永今宵

正月十一日宿祿豐寄荃月渚楊溪山張見梅

楊墨池

客星無定影驚鵲又遷枝避地仍多阻還家未有期東

橋花月夜南浦蕙風時攜手難同賞勞歌寄所思

與李葵之段憲卿夜飲

旅寓逢新歲芳隣聚此宵梅花普賢寺楊柳謫仙橋又
醉雙文酒休歌獨漉謠并州故鄉地渾忘路迢迢

廣心樓小酌憶張禺山

久客高峽上登樓老病身雲連呈貢雨花接晉寧春蘇
李詩篇盛陳雷意氣真不逢劉會孟誰識兩仙人

宿積翠崖

曉色動香塵天風雜梵聲雞鳴關樹白龍臥海波清湘
浦行捐佩滄浪坐濯纓思歸還引望懷古若爲情

遊玉案山寶珠寺

名山已發興空宇復離羣開樓見西海出岫指南雲泉
華玉雷接風籟紫霄聞前朝一片石金薤剝苔文

大理春市因憶李仁甫

海國櫻桃市春山蘭蕙樓青絲盤蹶裏紅頰醉扶留狼
荒金莫辨鮫宮珠暗投佳人渺天末因之問阻修

送毛東鎮往臨安

飄二碧雞使蕭二斑馬羣離山方禁酒征路正炎氛水
弩含沙影天鳶墜火雲歸音斯蟋蟀莫待梅花紛

魚鳧關讌別趙龍巖僉憲

有美臺中彥懷余別思長薄雲隨馬首落日下漁梁野
燎山多赭江秋荻已黃搖二愁轉旆甯用訴華鱣

北橋離席留別趙州諸子

漂泊猶戎旅羈栖且歲年又觴南浦水重醉北橋烟晴
樹環江澣風花簇野筵鄉心那可問愁思繞離絃

答馬敬臣

北闕辭鸞侶南荒逐獸人可堪同瘴癘猶自隔音塵鶴
嶺霏烟外螳川積水濱三年不相見兩地各傷神
空宇澄新霽殊方報早秋涼風天末樹明月海邊樓塞
草封歸望湘蘭換別愁來章三復罷對酒不能酬

答楊從龍給事

仙居深紫府旅望渺滄波五夜勞魂夢三年阻嘯歌雲
心陶令遠秋興社陵多魚浦南風便龍關一羽過

感通寺

嶽麓蒼山半。波濤黑水分。傳燈畱聖製。演梵聽華云。壁
古仙苔見。泉香瑞草聞。花宮三十六。一。二。遠人羣。

次張大理文柔別後見寄韻

四牡何時發。雙魚此日將。別離驚草綠。衰謝感芸黃。澤
畔風霜勁。天涯歲月忙。煩襟難借問。濡跡但相望。
垂老雲南戍。逢君海上州。桂招非小隱。萍泛是同流。江
漢詢幽側。關山慰阻修。欲酬平子贈。空有畔牢愁。

夢遊感通寺簡諸友

李白題詩寺。文簫寫韻樓。海光浮樹杪。山翠滴牀頭。熱
想寒泉濯。春曾煖谷遊。暝鐘蘿月下。清夢一相求。

竹戶

竹戶少塵埃。濃陰鬱不開。靜聞清露墜。涼送好風來。鳥
下彈瓊粉。蟲行篆紫苔。無人共欣賞。坐嘯獨悠哉。

海鐘

芳洲隱蘋末。葑埒寄蘆中。上下隨春水。東西逐夜風。浮
家還泛宅。斷梗復飄蓬。感物傷羈思。生涯愧海翁。

滇池泛舟見新雁

忽見行二雁。來應自故鄉。天涯多少路。雲際幾番霜。滇
水饒葭菼。禺山足稻粱。金河爾休戀。無限虜弦張。

荏馬行

荏馬出滇西。青金護鑿蹄。朝驂過朔雁。夕駕軼昆雞。蹀

踐工升巘。凌雲欲舞。梯流星迸。石齒訝道。火龍飛。

春江曲

時女翫春翹。新梅發遠條。風香隨步。雲影艷朝。悵望迷晴浦。音書候晚潮。玉輪江上水。心斷木蘭橈。

詠琵琶

迴窗映華表。連環繫錦絲。桃葉雙鬟小。楓香一調高。牛羊上青冢。狐兔沒黃蒿。畱賓芳夜促。且共醉蒲萄。

與胡在軒簡西密泛舟至柳壩晚歸

北風吹海岸。擁沫聚銀沙。去棹穿汀葉。歸帆拂渚花。鷺兒黃似酒。楊柳綠藏鴉。物色撩人醉。歌凌紫霞。

滇曉

林迴碧雞飛。花梢露欲晞。迢迢城漏寂。隱隱寺鐘微。小店明燈出。殘妝待月歸。雲津漁唱起。空翠濕蓑衣。

玉臺體

流眄轉相憐。含羞不肯前。綠珠吹笛夜。碧玉破瓜年。滅燭難藏影。洞房明月懸。

調絲曲房下。攬鏡綺窗西。妝罷金星出。歌殘璧月低。畱歡夜未足。恨殺汝南雞。

戚里盛豪華。聯翩赴狹斜。寶闌圍鬪鴨。金瓦擲鳴蛙。歸騎春城晚。風吹滿路花。

菱歌歇晚涼。桂楫隱回塘。珠佩雙泉冷。羅裙十里香。錦書隨綺翼。持報邵陵王。

太史蕭宗樂半閒園八詠選二
靜觀堂

詔許歸蓬蓽。性本愛芟山。臨水知魚樂。披林共鳥還。勞車蓋影渺。二隔重關。

中虛亭

高人厭世氛。亭子枕孤雲。宇定天光發。風清地籟聞。此君相對處。幽意許平分。

碧關朝霞

荒雞啼未歇。關樹起栖鴉。碧海先迎日。青峰遠上霞。行人衝曉去。高臥是農家。

梨園春遊

名園綠水傍。遊女出滇陽。竹葉沾春酒。梨花洗晚妝。醉來迷眼處。疑是白雲鄉。

蓮池秋泛

新妝搖畫舫。倒影駭天吳。翠蓋波心出。紅雲水面鋪。欲知臨泛久。荷露漸成珠。

白滇歸高曉留別胡在軒

乘風歸吾廬。臨水飲君酒。顛倒白接籩。攀折青楊柳。相望片帆程。相憶能來否。

泛舟浣花東阜狷齋同賦

風簷水檻含清暉。月閨夏五暑氣微。山中薜荔幽人帶。池上芰荷遊子衣。雙魚六馬慣識曲。青蛤白鷗皆忘機。

揚雄兮閣不寂寞。杜甫草堂天下稀。

賦得百花潭送人之楚

滄浪潭水照潭花。無賴家。二惱杜家。不數潘安河內縣。
堪畱衛玠洛陽車。晴烟翡翠蘭茗濕。涼雨鴛鴦藻荇斜。
五兩行穿巴峽樹。百壺先泛楚江槎。

賦得江上舟送人

濯錦江邊青翰舟。別情歸思兩悠悠。二開帆影遠入雲小。
合櫓聲齊和月柔。正擬乘槎上南斗。還思擊楫在中流。
新詩懷古兼春興。傳與巴人作棹謳。

雨中劉潤之僉憲見訪

鳴雨虛堂六月秋。高軒空谷遠相求。佳期每憶同星聚。
良會須爲秉燭遊。風磴雲梯同白日。水花烟葉亂滄洲。
莫辭信宿陪孤賞。更與江天散獨愁。

寄夏松泉

山中睡起三竿日。天上書來五朶雲。念我獨愁良闕寂。
感君長跪謝殷勤。兩年故國交遊隔。千里同心歧路分。
奇樹華滋看已徧。不禁春色惱離羣。

郫縣子雲亭

落景登臨縣郭西。坐來結構與雲齊。平郊遠訝行人小。
高閣迴看去鳥低。林表餘花春寂寂。二城隅織草晚萋萋。
酒闌却下危梯去。猶爲風烟惜解攜。

萬縣元日

官燭光中飲頌花。村雞聲裏換年華。寥二人語水鄉市。
統二鼓音山縣衙。江上春風先入棹。客邊元日倍思家。
去程回望各千里。翠壁青林寒雨斜。

春齋有懷寺中同館諸君

瀛洲烟霧玉堤陰。華蓋星辰接翰林。風動冰漸環御水。
月明殘雪帶仙岑。上陽樹色知春近。長樂鐘聲覺夜深。
爲問大羅天上客。瑤花琪草共誰吟。

戊寅九日龍門登高

關山盤踞千年地。風雨崔嵬百尺臺。搖落霜林秋籟發。
參差雲堞曉光開。四愁多阻張衡望。九辨堪興宋玉哀。
望遠登高聊自遣。芳萸艷菊漫相催。

贈內

迢遞鄉關隔益州。歸途雨浦更雲油。重看周雅歌祈父。
又聽陽關唱杜秋。明月迴臨天左界。寒宵回夢浪西樓。
五紋絲履休勞寄。好看生兒似阿侯。

送胡東渠少參致仕歸晉陽

醉絃辭榮賦北征。急流勇退見高情。元龍湖海多豪氣。
長孺朝廷有直聲。塵世已破枕中夢。杯酒况兼身後名。
祇恐清風遺遠徼。聊將公論托詩評。

宋潛溪方遜志二賢祠亭陪東阜狷齋座

青蘿太史赤城仙。祠墓東西近接連。江漢炳靈遷謫地。
乾坤正氣革除年。華池澹貯滄浪水。柏寢寒通雪嶺烟。

不向一臺逢二妙。何由投簡和新篇。

合州舟中次韻王孔昭

馳暉易逝髮難多。屈指驚心二十年。北渚離愁芳草外。
東風歸信落花前。烟開巴峽銅梁秀。月照涪江石鏡圓。
羽二瀛洲還舊夢。嚶二喬木又新篇。

登海寶寺望侍御唐池南琦別業因贈

橫紫烟光接上方。人家宛在水中央。一重一掩肺腑地。
某水某塋遊釣鄉。憶我頻年枉書札。與君連日醉壺觴。
詩瓢不似山人瘦。大雅堂高接盛唐。

寄楊宏山都諫士雲

螭頭早挂進賢冠。跡遠東墀玉筍班。倦意已還飛鳥外。

歸心元在急流閒。仙郎高議畱青瑣。學士新詩滿碧山。
十九峯前同醉處。夢中瓊樹幾回攀。

丁丑九日

燕臺九日罷登臨。節物蕭條入楚吟。關塞驂騑迷去路。
朔風鴻雁滯歸音。仙遊御宿山川遠。白露清霜日夜深。
雲際側身愁北望。天涯懷抱可能禁。

庚辰九日聞金鶴卿張惟信有彭門之會疾不克陪

一別黃金萬里臺。孤城三見菊花開。雲移北闕沾恩宴。
日遠南山獻壽杯。抱病江天常闕寂。關心時序獨徘徊。
高人喜共登高會。咫尺彭門阻一陪。

中秋禁中對月

漢家臺殿號明光。月滿秋高夜未央。銀箭金壺催漏水。
仙音法曲獻霓裳。路車天遠鸞聲靜。宮扇風多雉影涼。
千里可憐同此夕。美人迢遞隔西方。

次韻席仁同春遊昭應宮

佩聲齊下日華東。朝退春遊有客同。却轉河堤晴靄外。
回瞻宮闕曉雲中。曲江池泛仙源碧。下苑花交御宿紅。
瓊玖木桃酬未得。青門紫陌興何窮。

送福上人還青城

青城三十六。高峯寺在青城峯。幾重飛錫曾聞經雪嶺。
結茅常愛住雲松。花飄香界諸天雨。金吼霜林半夜鐘。

傳語禪關休上鎖。名山他日會相從。

慶成宴次張惟信韻

太乙天壇望燎回。九重春宴選辰開。廣庭列坐瞻華袞。
合殿飄香入玉杯。海宇謳歌千載遇。雲門隊舞八荒來。
共憐彩筆飄搖賦。獨有金門侍從才。

鄧川楊少參兩依莊

名公妙年辭京華。飄然歸來乘雲槎。天上烏啼御史府。
海邊龍臥神仙家。東山老子興不盡。南華真人生有涯。
空餘蟠胸濟世策。日對隣叟談桑麻。

百福寺夜宿

千仞峯頭佛日晴。雲端忽見兩僧迎。燭燈宴坐曇華結。

汲水煎茶雪浪生。翠竹黃花同入偈。蛟龍蚯蚓雜題名。石房夜冷難成寐。惱殺荒雞不肯鳴。

畱別劉珥江

東風南浦送輕航。悵悵芳春發故鄉。泛宅浮家沙鳥外。銷魂回首石犀旁。垂楊柳人千里漠。蒹葭水一方。更喜欲來相慰藉。拏舟何日到江陽。

贈趙大洲太史

起鳳才華錦水頭。鳴鸞仙步上瀛洲。文傳莊叔棲雲集。賦奏金卿花萼樓。何國白環曾入貢。至今青海未全收。廟堂終用平戎策。未許栖遲老一丘。

病中秋懷

迢遞城西百尺樓。登茲銷暑亦銷憂。江山平遠難爲畫。雲物高寒易得秋。吉甫清風來玉塵。涪翁妙墨換銀鈎。餘甘渡口斜陽外。欸乃漁歌雜棹謳。

寄用貞弟

杜陵巴國苦寒行。李白梁園昨夜情。山店野梅心萬里。雪窗風竹夢三更。河橋晨別南鳧影。江漢春催北雁聲。回首長安當日下。感嘗懷女總難平。

送張孟復達州兵備副使

西蜀行臺持憲節。東川分閫寄儒纓。雲林曉日青羌浦。水國秋風白帝城。潭下蛟龍驚鼓角。門前烏雀避干旌。折衝樽俎烟塵靜。始信荀卿善議兵。

出關

狼狐芒角正彎環。虎落連營又出關。漢使征鴻何日至。
胡天牧馬幾時還。千重紫塞迷青冢。九曲黃河繞黑山。
飛將殊勛猶下吏。書生乘障敢辭艱。

折楊柳

垂楊垂柳縮芳年。飛絮飛花媚遠天。金繭抱春寒食後。
玉蛾翻雪暖風前。別離河上還江上。拋擲橋邊與路邊。
遊子魂消青塞月。美人腸斷翠樓烟。

喜任蒼岩至招之飲

還家不落新春後。征棹先逢舊雨前。繡被喚回巫峽夢。
錦囊賸有蜀江篇。垂梅蕊猶凝雪。濯楊枝欲吐烟。

好是玉盤傳菜日。共酣金醴媚椒天。

送何柏村元戎

牛斗祆氛指日平。暫勞鵲印挂東征。捷書行奏長楊殿。
軍令先傳細柳營。冀北貔貅曾控御。山西將帥半牙兵。
功成歸隱青城曲。社酒寒燈好結盟。

看花出郊村樓小飲

異國平居野興深。花邊繫馬乍登臨。雲林未許成歸隱。
塵世惟思學醉吟。若下風流新蟻醪。長安春色舊貂金。
芳菲遲爾來何暮。葉底流鶯正好音。

嘉州江上邂逅李蟠峯天使卽事

皇華原隰素絲行。珂里庭闈綵服明。家慶國哀同盡節。

望雲就日總含情。畱連結桂橈相倚。邂逅班荆。蓋共傾
抱病江天。淹戍客煩君傳語。碧雞城。

南溪舟中與劉承之話舊

晴江初月對佳人。明燭深林。慰苦辛。征棹來帆成白首。
鳴儔嘯侶。憶青春萬重。關塞浮雲外。咫尺滄浪積水濱。
歌罷語闌。還別去。朔風寒雪倍傷神。

關索廟

關索危嶺在何處。猿梯鳥道。凌青霞。千年廟貌猶生氣。
三國英雄。此世家。月捷西來。騰虎豹。天威南向。偃龍蛇。
行客下馬。一酌酒。候旗風。偃寒吹笳。

高曉村除夕

海濱戎旅久忘歸。獨對朝嵐與夕霏。莎徑晴沙采樵路。
柴門春水釣魚磯。太平時節身難遇。流轉風光賞莫違。
街鼓市塵。渾隔斷村春。隣火自相依。

贈永寧白參戎

貴筑新疆古蘭州。分弓上將擁貔貅。笙歌城郭天無夜。
耒耜郊原歲有秋。界首江清春洗馬。海漫山翠晚當樓。
銳頭勲業君家事。四十登壇早拜侯。

沐希甫葉道亨約會于太華寺雨中用杜少陵

韻一首

野竹幽花夾道迎。紺園金刹望中明。海天風色雲籠樹。
山國春寒雨滿城。最覺龍鱗圖畫潤。生憎鳥羽毳衣輕。

迷源復作雷連住尋壑猶能窈窕行

石岡沐公希甫輓詩

幾醉錦筵金巨羅忽騎天駟上天河霸陵猶記將軍獵
沛邑難忘猛士歌春寒澤畔經過少日暮山陽涕泗多
露薤霜蒿悲自古蹊桃營柳奈君何

懷歸

星橋南望沈犀浦雪嶺西連抱珥河關塞渺茫魂夢隔
山川迢遞別離多汀洲春雨塞芳杜茅屋秋風帶女蘿
心事未從詹尹卜生涯聊聽僊童歌

讀江門驛景川侯曹公開河碑

將軍玉劍虜塵清餘力猶能水土平象馬邊隅通貢道

蛟龍窟宅奠夷庚史家底事遺經畧郡乘何曾紀姓名
賴有琳瑯播金薤可無蘋藻薦芳馨

舟中畱別吳庵蒼崖

夢醒渾疑未別離止舟却喜似歸時情親千里勞相送
衰病三秋指遠期閭左又興秦戍役殿前曾識漢官儀
琵琶商婦君休聽恐動王涯貝錦辭

贈嵩明太守羅果齋

肯爲衰翁百里來蕭條寒館是春臺世家文藻匡時畧
環海謳歌作郡才芳草已隨江柳發棠花遙映野梅開
從今詩苑奈嘉話清夢高曉夜二回

十二月二日張龍山謝高泉敖梅坡余九崖杜

晴江梁一江潘東溪攜酒過訪高曉
寂二荒村生冷烟敢期車從枉羣仙釣竿未拂珊瑚樹
樽酒重登玳瑁筵潏灑池塘芳草外飄飄舟楫早梅邊
高曉滇海畱嘉話剡曲斜川合共傳

滇海歲暮

村燈社酒簇辛盤春立星回臘已殘故國江山遙悵望
浮生節序幾悲歡寇公心事雷州竹屈子情辭澧浦蘭
草蓐藜牀無雪霰醉來一枕且偷安

太守董約山訪予高曉海莊勝言緬甸山水之
奇卽事

使君高說薄塵寰邀我尋春慰旅顏不是蟠胸多磊落

那知絕域有江山玉杯家學會親炙瓊樹風流許重攀
畫戟清香延坐久村孤城遠漏聲閒

安寧溫泉董北溪新建碧玉樓

碧玉泉邊碧玉樓崇幽何羨采真遊清秋長嘯驚山鳥
朱夏閒眠對水鷗孺子滄浪休濯足高人剡曲漫同舟
衰年七袞重來此何限相知半白頭

送陳少野西上

蒲塞蘭津路阻脩金絨翠駃且淹畱欲攜杯酒歌三疊
又感重英詠二矛橫水光明誰執訊探凡赤白白虛投
飄然皓首芝山侶敢爲將軍借箸籌

次任棠山見贈

不貪夜氣識金銀。漫道詩成泣鬼神。耐可炎方禦魑魅。
虛傳奕世掌絲綸。乘雲久塌南溟翼。濡沫應憐東海臣。
珍重高人推轂意。豨膏那解轉方輪。

棠山攜酒過荒館

春燈收後近花朝。爲喜新晴物色饒。其奈鬢絲偏種二。
無端心旆正搖三。望中雲樹三層閣。夢裏烟波萬里橋。
獨有憲臺東道主。酒杯某局慰蕭條。

歸途始發

重作滄雲萬里征。歸途却喜遇春晴。一筇歷二記行店。
雙堠頻三減去程。嶺上聞猿孤枕淚。壁閒見蝎故鄉情。
烏蒙瘴霧昏眸久。相對江花眼倍明。

董約山太守枉訪高峽同遊太華寺

五馬三旌駐碧雞。松篁昏黑上頭迷。慈雲擾二珠林北。
寶月纖二紺殿西。佳客興來還笑傲。浮生跡有但羈栖。
歸來村叟分雙炬。微徑欹危獨杖藜。

蘭津橋

漢書載瀾滄謠云。漢廣德開不賓度。博南踰蘭津。
渡瀾滄爲他人。卽此地也。土人譌呼爲浪滄云。

織鐵懸梯飛步驚。獨立縹緲青霄平。騰蛇遊霧瘴氛惡。
孔雀飲江烟瀨清。蘭津南渡哀牢國。蒲塞西連諸葛營。
中原回首踰萬里。懷古思歸何限情。

謝曰此律有意傲杜

昆陽望海

昆明波濤南紀雄金碧混漾銀河通平吞萬里象馬國
直下千尺蛟龍宮天外烟巒分點綴雲中海樹入空濛
乘槎破浪非吾事已斬魚竿狎釣翁

中丞白泉汪公生辰值安南款報至

金潏銅柱貢函來象渚龍編道路開上將簡書回北極
中丞勛業冠南臺擬將萬舞排家宴欲取饒歌獻壽杯
節鉞可能淹裘鳥明年何地望三台

寄徐用先程以道

軒轅臺畔雪霜寒陰磧茫茫二萬里寬夢繞盧龍明月易
書隨鴻雁朔風難天涯好在崔亭伯海上終還管幼安
應念瘴鄉孤戍者自將形影弔衰殘

庚寅除夕王子推送桑落酒適傅希說葉道亨

同過守歲卽事

桑落舊方傳陸海椒花新頌及滇春能消客底千金夜
賴有天涯兩璧人無家垂老同漂梗痛飲狂歌非隱淪
歲去年來真反手柳青頭白轉傷神

泛浪穹海子

峯頭才見一泓幽沙尾驚看四岸浮沅水羅文堪並色
嘉陵石黛迴生愁秦源欲問桃花渡楚望渾迷杜若洲
亦有滄浪舊歌曲晚來乘興更扁舟

帝釋山

帝釋山頭雲滿谿東庵飛雨西庵泥碧潭照眼石鯨動
翠微當面林鶯啼濛濛二香霧花層濕漠漠二生烟樹點齊
傍險銀鞍應未怯玉壺清酒為君攜

臘雪後再向毛園醉梅

東閣早梅春已破南枝初月夜不遲羅浮仙人再入夢
揚州何郎仍賦詩留連錦席坐雲暖瀟洒玉樹臨風欹
嫣然正用啟粲齒颯爾無勞嗟鬢絲

甲寅新正六月送簡西密登舟回郟縣

金蘭意氣昔論文燕坐朝霜竟夕曛千里馳驅來棘道
十年羈旅共滇雲交遊落二晨星散蹤跡悠二水國分

江北江南從此隔何時何地再逢君湖按升庵與西密
交最篤賦此詩至

結句投
筆大慟

春興

遙岑樓上俯晴川萬里登臨絕塞邊碣石東浮二絳色
秀峯西合點蒼烟天涯遊子懸雙淚海畔孤臣謫九年
虛擬短衣隨李廣漢家無事勒燕然

謝曰沈歸愚曰忠義之氣至欲託之從軍讀者可以
悲其遇矣

憶昔衣冠侍帝庭常陪鸚侶翫仙冥張騫銀漢凌牛渚
方朔金門隱歲星鳩鵲吟詩宮月白鳳凰傳詔御烟青
夢回彷彿釣天奏腸斷蕭條海角亭

大正五十三

蜀詩卷五

十三

古棠書屋

小三十
平沙落日大荒西，獨立蒼茫意轉迷。
蕙畹蘭皋愁晚對，竹垣花掖記春棲。
摧頽杜甫歌朱鳳，憔悴王褒祀碧雞。
白首艱難隨去住，青雲容易墜攀躋。
天上風雲此際多，山中日月竟如何。
爭傳鳴鳳巢阿閣，又見飛鴻出尉羅。
宣室鬼神思賈誼，中原將帥用廉頗。
難教遲暮從招隱，擬把生涯學醉歌。

澍曰：四詩有忠愛無倖許，作者自是識得一怨字。

龍編行答禺山

北極軍書一羽過，南交氛祲九真多。
金潏銅柱天王地，象渚龍編瘴海波。
渭曲屯田愁蜀相，關中餽餉急蕭何。
嵐開霽景鳶低水，風度鳴沙馬歎陀。
自許將軍回白日，誰憑壯士挽銀河。
騰峯浴鐵朝乘障，下瀨樓船夜戢戈。
翡翠越裳近消息，麒麟漢閣遠嵯峨。
婆一橫吹驚楊柳，睥二商聲響薜蘿。
隱豹文韜須霧澤，荒雞舞困且漁蓑。
欣聞幕府收才彥，佇立衡門聽凱歌。

青橋夜宿

驛亭臨白水，石榻滿蒼苔。
遠客渾無夢，江聲枕上來。

渝江登陸

曠野惟看樹，高城不見人。
新梅臨水發，照影爲誰春。

青橋驛早發

遠客貪晨發，三更夢已回。
江聲如驟雨，寒到枕邊來。

夜行安慶

風順月仍明。扁舟半夜行。雞鳴問前路。已近九江城。
羅甸曲貴州道中作

蠻樹不凋葉。蠻雲不放晴。長亭望不見。何處是渣城。
關嶺曲

倦枕愁雞鳴。問郎今日程。中路不可宿。長途須早行。
普賢寺

香閣影波心。叢雲萬木深。月明清梵夜。遙應海潮音。
太平寺

春草迷香徑。空餘屋數閒。香爐烟不起。苔蝕鷓鴣斑。
松隱庵

松庵饒古松。露鬣交雲尾。蘿徑少人行。日暮嘯山鬼。
恩波池別劉潤之

酌酒臨池水。回船拂芰荷。忽二上馬去。畱興與烟波。
出郊

高田如樓梯。平田如棋局。白鷺忽飛來。點破秧針綠。
招董西羽

朝來城中屋。夕去城中路。獨夜一微吟。攀畱桂之樹。
寄承冰壺

紫翠隱丹房。仙人在上方。欲往疑無路。白雲封點蒼。
搗衣杵

山東女子趙小錢。年十五爲賊所掠。罵賊不從。
以搗衣杵擊賊。遇害。事聞詔旌其門。

小八
戕賊金鉞。擊賊搗衣杵。今見趙小錢。昔聞楊愍女。

春

行樂三春好。春來轉劇愁。鄉心悲遠望。莫上最高樓。

筇竹寺

博望南行路。昆池若到天。自憐遷播客。一住已三年。

春日過山家

山牀壓春酒。滴作澗泉聲。與君終日醉。松風吹復醒。

題竹

帝子瀟湘渚。乘鸞嫋二邊。可憐江上竹。猶帶古時烟。

虛湖曲爲劉少隣賦

滇湖湛空碧。光景涵太虛。主人湖上家。結舫水中居。

水仙花

凌波微步洛川旁。自與紅梅競晚芳。合字當年林處士。

西湖配食水仙王。

瑤池阿母惜幽芳。青鳥東來未許將。小玉雙成。都睡去。

一枝傳自段安香。

乘鯉琴高採掇新。蔚藍天上少紅塵。黃姑浦畔。漪裙水。

不是人間妒婦津。

百日紅

李徑桃蹊與杏叢。春來二十四番風。朝開暮落。渾無限。

何似雕欄百日紅。

山茶花

大六六十八

蜀詩卷五

十六

古棠書屋

綠葉紅英鬪雪開。黃蜂粉蝶不曾來。海邊珠樹無顏色。羞把瓊枝照玉臺。

詠史

月仗雲門五彩毬。御前爭賭最先籌。須臾贏得西川印。便脫青衣擁碧油。

孫鑄曰世主用人如此賢者能無遺乎

丁丑五月五大熱追涼江山平遠樓

平遠江山四望開。颯然風至似蘭臺。披襟便覺涼如洗。一任城頭暝色催。

雨中漫興簡泓山中溪洱舉

風裊芭蕉羽扇斜。雲封苔壁對簷牙。滿城連日黃梅雨。

開遍金釵石斛花

簾紋如水帳如烟。涼氣先秋到枕邊。蚊脚蠅頭迹如掃。右軍贏得靜佳眠。

春郊卽事

楊柳垂。二曲水濱。驪車日。二送征塵。春來莫怪枝條少。無限臨歧折贈人。

暮春淇館會別以道

淇水東流生晚波。巴人惜別動燕歌。可憐裊。二垂楊柳。奈此迢。二別恨何。

董壩

扁舟孤棹宿楓林。獵火漁燈逼歲陰。千里思家同白首。

青山江上疊愁心

嘉州壁津

壁津漁火照江城。二下灘聲徹夜鳴。寒笛莫吹楊柳曲，故園回首不勝情。

桐梓驛元夕

戴石孤峯古驛門。青羌吹角報黃昏。三家村裏無燈火，千樹梅花作上元。

魚鳧關

魚鳧今日是陽關。九度長征九度還。何補干城與心腹，枉教霜雪老衰顏。

興教寺海棠

兩樹繁花占上春。多情誰是惜芳人。京華一朶千金價，肯信空山委路塵。

有寄

寶刀截水恨難裁。玉筍啼春濕未開。昨夜陽臺奈暮雨，夢魂飛過大江來。

早春

江暖波光日映光。幾家同住水雲鄉。槿籬茅屋繁花裏，也有秋千出短牆。

星回節

忽見庭花折刺桐。故園珍樹幾然紅。年二十六月星回節，長在天涯客路中。

中秋

四壁蛩聲白露溥。西園尊酒為誰歡。千家門閉中秋月。只有愁人獨夜看。

馬道壁上次韻

嘉陵江上碧迢迢。雷吼晴灘雪湧潮。岸曲行人愁駐馬。清猿聲在白雲霄。

聞笛

江樓寒笛起春聲。蜀客扁舟萬里行。吹盡落梅還折柳。新春殘臘正關情。

渡黃河

河上人家杏子花。河邊人唱浪淘沙。草薰風暖春將半。

若个行人不憶家。

宮詞

天上佳人出北方。能騎白馬射黃羊。玉顏長在君王側。笑指青山是妾鄉。

三閣詞

桃根桃葉鬪春葩。水調歌傳穆護沙。無限江南新樂府。君王獨賞後庭花。

夜籤聲斷燦朝霞。翡翠三千擁麗華。舞罷前溪明月下。白門楊柳暗藏鴉。

江陵舟中贈田李二鄉客

朗月寒沙夜未分。玉簫金管醉中聞。明朝回首沅江路。

愁聽清猿和白雲

自江川之澱江贈王鈍庵廷表并簡董西泉雲

漢三首

通海江川湖水清與君連日鏡中行孤山一點衝烟小
何羨霞標掛赤城

澱江色似碧醞醕萬頃烟波際綠蕪只少樓臺相掩映
天然圖畫勝西湖

海螯江蟹四時供水蓼山花日二紅自是人生不行樂
尊鱸何必羨江東

貴筑雜咏

林雲箐霧不分天清露常如雨線穿百里迴無烟火接

依稀猶似燧人前

侏甸坡前不可畱盤江渡頭惟一舟驅黿役鵲無仙術
誰是尋源博望侯

龍馬先朝出養龍御前名賜飛越峯人間神駿寧無種
天上孫陽不易逢

沅江曲

綠蘿山豁午烟開野販山樵競往回疊浪高灘渾不畏
舸艚船上唱歌來

碧天霜冷月明多平澧風交湘水波夜二楓林驚客棹
村二銅鼓和蠻歌

新春始泛歌

白沙渡口幾人家。紅粉當壚青旆斜。梁上新巢早畱燕。門前垂柳暗藏鴉。

滇南竹枝詞

東浦彩虹懸水樁。西山白雨點寒江。烟中艇子搖兩漿。空裏鷺鷥飛一雙。

海估行

偃月堂空罷舞塵。靖安坊冷怨佳人。芙蓉蓮子隨他去。不及當年石季倫。

孫錡曰能使綠珠墜樓季倫自是俊物

滇海曲

碧雞金馬古梁州。銅柱鐵橋天際頭。試問平滇功第一。

逢人惟說潁川侯。

孤戍平沙望大荒。邊愁海事入蒼茫。帝鄉東北仙雲隔。熨道西南媚景長。

白崖

雲開遠見彩雲州。一片烟嵐鳥外浮。還見前年山下路。密蒙花發艷新秋。

光尊寺別張愈光

萬里炎荒老此身。銷魂何事別離頻。光尊寺裏桃應笑。回首東風九度春。

龍關歌

雙洱烟波似五津。漁燈點點水粼粼。月中對影遙傳酒。

樹裏聞歌不見人

泛滇海歸感舊口占

談笑已無錢臥月風流不見李華仙
漁村酒市經遊處
斜日寒林鎖暮烟

梅花絕句

開自多情落亦香殘英點綴曲堤旁
織成白地光明錦
合與無功作醉鄉

么鳳叢邊鶴膝枝孤山清夢水仙祠
覺來寒影誰能寫
苦憶逃禪家補之

放歌曾作昔年遊千樹梅花滇海頭
寶髻斜簪光照座
一船絲竹唱梁州

蜀明詩卷第五

蜀詩卷第六

明

新繁費經虞仲若輯

岷陽孫澍子皋校訂

楊仲瓊

仲瓊洪雅人正德進士官至潼關副使詩一首

問俗亭

紫竹叢中秋有聲珥西月抱水晶城
晚烟淡蕩半空碧
人在青山雨後行

陳講

講字子學遂寧人正德進士官至副都御史著
有如鳥集若干卷今錄詩二首

崆峒二首

欲訪飛仙閣先臨問道宮亂雲交密竹斜日下高峯木
落層樓出天高一鳥通鼎湖龍去遠巖壑自秋風
琪草瑤花入壯觀青松紺殿遠憑闌簷端雨過千峯碧
洞口雲深六月寒石髓未枯仙已去玉芝初長鶴頻餐
天風拂二吹黃石儼住崆峒早挂冠

高任說

任說字汝霖嘉定州人正德舉人官至鎮江府
知府詩一首

伏虎寺

西笑峨眉寺名山又虎溪天高元鶴下春老亂鶯啼路
滑初融雪苔深欲避泥峰頭通帝座呼吸白雲迷

葉桂章

桂章名山人正德進士官翰林院侍講詩二首
宿勝上人禪堂

花木禪房閉重來臥白雲心隨猿鶴定身與鹿麋羣峰
影窗前暗鐘聲定後聞十年南劍路長記北山文
人跡遠禪關君門夢裏攀老僧青眼在倦客白雲閒月
照花前榻山憐別後顏層霄飛鳥倦慚愧老方還

羅洪載

洪載永川人正德進士官至戶部員外郎詩二
首

自城中歸山居二首

一自居城市素衣緇飛埃憶我紫山好雲廬歸去來
農夫荷鋤至村婦餉耕歸鳴鳥在深竹舊犬迎柴扉

李楫

楫字未詳成都人正德進士詩一首

洞庭用唐人韻

風定水波平臨風思益清星槎浮夢澤瀛海接湘城世
外烟霞迴湖中日月生希文憂樂在異世有同情

趙官

官字維賢合州人正德進士官至南京戶科給

事詩一首

同王侍御湖齋夜坐次韻

喜同王碧峰握手道今昔對榻坐殘更湖心月沈白

張愈巖

愈巖字濟寬睢州人正德進士官至南京戶部

主事詩一首

壬申秋同諸曹后湖

南畿盛地說名湖一棹青山興不孤日暮管絃聲四合
衣香人影泛冰壺

羅玉

玉號鳳岡南充人正德進士歷官山東副使詩

一首

孔陵

草木昭元氣。堊山保太和。光輝同日月。師表壯山河。

張翀

翀字未詳。潼川人。正德進士。著有文集二十卷。

詩一首

太華

萬仞凌空北斗平。一天簫鶴步虛聲。天門有路通霄漢。石室涵香徹太清。甘露高從仙人掌。落玉泉寒向井蓮。生山靈知有神仙過。飛下三峰老樹精。

韓士英

士英字德延。號石溪。順慶人。正德進士。初權稅。

余江西時宸。濠有異志。橫甚羣吏。惴惴二奔走。恐後。

石溪獨持正。不少屈。三十一年改北戶部尚書。

上疏乞休。還蜀。卒。贈少保。詩一首。

北觀行至河間。得俞旨。賜還喜賦。

炎埃冒暑至河間。途次君恩許。賜閒三十年來成。忝竊八千里外得知還。廟堂大有人仇國。草野欣傳客到山。蕉鹿假真原幻妄。泥塗從此養衰顏。

黎堯勳

堯勳字樂溪。樂至人。官至秦州知州。詩二首。

喜均田命下

烹鮮海上又經春。河內深慙借寇恂。豈有涓埃能報國。

小十六
空餘琴鶴自隨身。浮糧積歲徵。逃屋履畝今朝賚。富人
已見流移歸北路。尚哀黃鳥集西隣。
重疊天書下紫宸。海壩草木自生春。門前鼓舞輸租者
半是當年逋賦人。

金 皋

皋綿州人正德進士詩一首

岳楊樓

巴陵冬日霽四望楚雲開。水色涵空碧。猿聲入暝哀。波
濤天地合。棟宇漢唐來。老病親朋遠。高樓首重回。

澍曰波濤十字不減杜陵

余承恩

承恩字鶴池青神人。余敏肅孫。官至永寧參將。
著有集若干卷。今錄詩四首。

感興

白日沈西陸。返景流東岑。端居屏塵翳。欣然理瑤琴。古
樂人恐臥。馳情在鄭音。違俗信靡合。安可同荒淫。達人
宜止足。嘉遯我所謀。富貴苟非義。浮雲視黃金。

澍曰志士之言

示舍弟草池二首

大兵猶轉戰。談笑出重圍。列騎衝雲亂。揮戈挾日飛。嚴
關揚士氣。絕漠凜天威。三捷楊元帥。犁庭掃穴歸。
一自張天討。三塗罷禁兵。歡騰中尉壘。俘獻上京城。壯

士休傳箭書生罷請纓青山歸指日烟雨共春暉

送吳柳濱之廣東

軒二琴鶴向辰州萬里江山豁壯遊遠剖虎符新節制
共瞻熊軾古諸侯三湘雨過朝停棹五嶺雲開晚倚樓
莫道粗官便疏懶天書早晚下螭頭

余承勳

承勳青神人余敏肅孫正德進士所歷官未詳
集若干卷今錄詩五首

峨眉

扶筇蹋遍翠芙蓉直上峨眉第一峰夜半參龍池畔望
萬松深處白雲封

南游次舍弟草池韻

振衣匹馬陟崔嵬乘興荆南得一來
洞庭烟樹匝帆開
春暖蒼梧北雁回南游花鳥笑還猜登樓月沒牀頭甃
望岳雲粘屐齒苔
澤國天空楚望奇五龍不負白雲期紫芝合殿談多處
黃鶴吹笙度曲遲
天門迢遞接商顏白石丹楓疊翠鬢香界散花青鳥下
經臺開卷紫霄間

余承業

承業青神人余敏肅孫正德進士詩一首

同楊豫庵太守遊中岩

昔泛昆明池。烟花滿目中。歸臥滄江晚。誰將尺素通。忽來五羊客。一笑春風融。既返遠公廬。俯瞰蛟龍宮。松竹滿幽谷。笙簫穿碧叢。斜陽欲下來。巖壑鳴天風。振衣一長嘯。白雲浮太空。勸君更進酒。造物無終窮。

彭汝寔

汝寔字子充嘉定州人正德進士官至南京吏科給事集若干卷今錄詩三首

凌雲寺

誰從雲際結孤亭。萬斛蒼烟倚翠屏。二水遠浮天影白。九峯高護日華青。佛烟渺二空中散。估艇紛一雨後停。

新月送人涼露起石洲古渡未全冥

解脫坡

登山常是愛新晴。竹杖芒鞋獨野行。雲外青蒼浮日色。花閒喧和溢溪聲。偶逢隱士聽鶯語。欲共頭陀訂鶴盟。一笑空門尋覺路。墨華引入趙州城。

後湖亭子

湖亭結構費攀躋。湖上飛雲與檻齊。虛閣不扃星上下。閒窗危坐月高低。六朝此地窮歌舞。昭代何人盛品題。佳氣鬱蒼陵樹合。樓臺金碧醮玻璃。

簡紹芳

紹芳字西魯鄆縣人正德進士壯歲遊滇南題

詩寺壁楊升庵讀而異之遣人物色遂與定交
慎蜀本西醫所序也集若干卷失傳今僅存詩
一首

睢州孟拾遺祠 原注

唐孟昭圖也僖宗幸蜀政出田令孜拾遺論之
坐貶令孜遣人沈于驀頤津後人立廟祀之
翠輦西蒙谷口塵貂璫猶熾佞權身拾遺早入玻璃水
絕勝汗泥白馬津

朱子和

子和瀘州人正德進士官至浙江僉事著有
溪集若干卷今錄詩二首

玉液泉

荆南玉液泉一飲百病痊映日生紫烟跳珠鳴冰絃我
來遊名山酌之心冷然解衣憩石上冥會太始年

歸雲閣

橋紆涼颺回松古石泉落竹外啼鳥聲歸雲暮投閣

馬升階

升階字汝弼內江人正德舉人官至武陵令著
有宐山集若干卷今錄詩一首

岳陽樓儼呂道人

人空水澗洞庭秋萬疊浮雲入檻流長笛一聲黃鶴下
朗吟騎過岳陽樓

杜朝紳

朝紳崇慶州人詩一首

挽楊果齋

宇宙大名山水重雲霄奇氣斗牛寒從容天上騎箕尾
木信人閒報國難

席春

春遂寧人正德進士官至禮部尚書武英殿大
學士初為御史出使滇雲甚有風裁後以議大
禮附張萼致位通顯見薄清議則其人可知也
已集若干卷今錄詩一首
可渡橋

野渡無舟楫長橋白浪橫雷聲喧別浦雨色暗山城戊
遠烟霞合江空草木鳴重陽來日是沽酒罷逢迎

張可述

可述洪雅人嘉靖進士為御史鵬之子正德中
鵬以言事謫死漳州可述時方在襁褓母袁氏
矢節教撫成立官至浙江兵備僉事後罷歸色
養三十餘年州閭稱是母有是子著有雲樵集
若干卷今錄詩一首

宿勝上人山居

凌晨出郭門西山有遺觀一徑闕深竹蒼翠入雲半石
徑屢紆回停輿恣幽玩巍然雨花堂丹青照人爛仙侶

候不至徘徊坐成宴贊公有勝情
畱客炊白粲秋花弄幽芳
寒蟲襍蟬喚談空說有無
塵心一消散三生幻去
來了作彈指看山樓臥白雲
松風夜零亂聽雨不成眠
懷人遂至旦

李鳳翱

鳳翱字五石成都人嘉靖進士詩一首

陪侯中丞遊北固

海門日麗湧晴霞
棨戟登臨頰萬家
劍鳥冠裳新歲月
東南雨露舊桑麻
空天鳥下曇花淨
古樹雲深石徑斜
水面樓臺歌管合
太平生齒盛繁華

李應元

應元雅州人嘉靖舉人官至真定府同知著有

蒙山堂稿若干卷今錄詩一首

登蒙山

萬仞岡頭路諸天近大羅
雲邊回五岳天際揖三峨
峯冷開冬室泉空照碧蘿
下方鐘磬晚臨眺意如何

姜玉潔

玉潔字文粹嘉靖劍州諸生有才名學使擬優
貢之不就兄玉山早卒力撫其孤著有圖學淺
見正字訓蒙等書蓋亦飾行好學有所不爲之
士集若干卷今錄詩一首

重陽亭

小十三
重陽卷六
匹馬空山朔吹哀。斷碑零落沒蒼苔。自攜商隱遺文讀。
不見王弘送酒來。三徑濕雲無客到。一籬殘菊傲霜開。
重陽亭畔空回首。孤負登高作賦才。

姜漢

漢劍州人詩一首

別張南封

重陽亭上祖君行。尊酒同深遠別情。渡口晚晴催去馬。
樹頭秋老不聞鶯。關河迢遞人千里。風月蕭條夢五更。
明發白雲天際遠。山中耕鑿憶平生。

李懷道

懷道劍州人詩一首

遊東山循溪路晚歸

閱世青山古。雲深過客稀。鶯爭喬木嘯。蝶趁落花飛。流
水通樵徑。晴烟護釣磯。斜陽溪路永。杖策詠而歸。

周瑤

瑤字葛山內江人嘉靖進士官至陝西副使詩

一首

玉泉寺

移樽白王泉。禪室散晴烟。倒碧池開鏡。磨青石作天。雲
深疑太古。松老不知年。悟覺塵襟靜。花開傍鶴眠。

甘為霖

為霖富順人嘉靖進士官至工部尚書詩一首

古棠書屋

白帝城

今古傳興廢。江山豁壯懷。波濤神禹力。雲雨楚王臺。雉堞青霄近。關城白帝開。猿聲天上落。弔古有餘哀。

熊過

過字叔仁富順人嘉靖進士選庶常一謫雲南再謫吳興博聞強記初在輦下時與晉江王愼中昆陵唐順之慈溪陳東南充任瀚章坐李開先平涼趙時春丹徒呂高稱八才子通經史以實學聞著有南沙文集八卷周易象旨三卷春秋明志錄八卷詩集名存稿門人都御史嚴清巡撫四川時爲梓行錢謙益曰叔仁文章奧博

不欲居主唐下惜其詩稿散逸今僅存詩六首
喜雨詩贈宗別駕

天降疾威集于多辟予甚無辜曾不是替既困我力又窘我雨天沃興瘁莫知我寔謂民不堪憂如憺矣謂皆不覃踰于三矣如彼秉炎亦燠其濕單里以社莫敢自逸黨正祭樂司巫舞雩壇墀離立雲斂各祇眾曰暴尅別駕曰疏降服撤膳不遑起居谷風吹吹甘澍旣得帝力何有宗侯是職

澍曰古質

寄會陽白明府

放舟臨雲浦雲水天一色君爲出岫雲我爲臥雲客寂

寂華葢舊西臨。在野空瞻五色雲。君今還入帝鄉去。白雲處。常隨君。我家江水頭。君家漢水曲。朝宗宛共趨。沱汜各淹忽。白雲今日伴溪魚。注目寒流雁影疏。明年溪上停雲望。不得魚書得雁書。

贈別一首

一笑相逢在翠微。綠槐高柳納涼。昔只將水竹烟雲興。說與風花雪月知。日落三盃無事酒。人閒八句自然詩。來朝雲過青山外。回首空聞猿鶴悲。

同會陽白大令校官陳交暨舍弟造從子麟遊

中巖

暮雲騰二來日飛勁草莽二披風微。山空不道悲秋晚。

發先拚跡月歸采藥正逢芝苦長傳燈偏映德星輝。天人何日重來下。劫石千年待拂衣。

題王生卷二首

金華先唱結流珠。收得參同出上虞。欲以多言問多岳。開山遁甲究陰符。烽火恆山逼近途。雲中南畔是天都。詞臣記得瑤池事。王母西傳益地圖。

王惟賢

惟賢中江人嘉靖進士官至都江令詩一首

示送行父老

哭聲載道滿長林。我亦歔歔淚不禁。慚愧村愚誇撫字。

小十三
十年孤負出山心

謝曰是循吏不負心語

高世彥

世彥字仲修內江人嘉靖進士所歷官職未詳
謝按秀水朱竹垞詩話曰仲修詩意象從容五
言如羣鷗穿藻出一鳥捕魚飛月令如潮信年
光似水流白雲栖樹杪青竹露牆根瑤瑟難爲
調牙籤牘有書潮來沙作篆雲過石爲衣七言
如對月云佳辰若此不易得良夜何其分外明
九日云清肯容我林泉懶黃菊笑人塵務勞白
娛云花陰數酌陶元亮日課一詩梅聖俞蜀中

尚楊用修派詞多穠麗而仲修清潤如此所當
洗眼觀也著有自得齋稿若干卷王世貞爲之
序惜未窺其全今僅存詩一首

寒江

秋盡寒潭斂水痕。斷雲殘雪送朝昏。嚴冬野鳥深藏樹。
近渚人家早閉門。何處梅花吹夜月。一竿漁火映朝暾。
蜀江臘月春風早。已有垂楊發水村。

任有齡

有齡字棠山嘉定州人嘉靖進士官至雲南副

使詩一首

寄李中溪

小十三
一徑蹋層雲。二臺入望分。通才憐魏野。高隱羨茅君。花
影依樓靜。琴聲隔竹聞。年來空四大。不與世人羣。

澍曰花影十字是晚唐人名句

張鑑

鑑字江泉南充人嘉靖進士官至山東巡撫詩

一首

飛仙石次韻

掃雲試蹋飛仙石。風舞喬松寒露滴。閱世經過歲百秋。
梯空不違天五尺。誰騎白鶴度方壺。我向揚州吹玉笛。
落梅一曲烟霧深。空山月見遊人跡。

樊垣

垣字伯師宜賓人嘉靖進士官至常德府知府

詩一首

歸田

廿載功名歷險夷。疏狂只合與閒宜。遊魚避餌潛深壑。
倦鳥營巢擇一枝。寂寞草堂揚子宅。風流騎馬習家池。
征鴻矯二無蹤跡。萬里長空任所之。

劉誠穆

誠穆字彖倩嘉靖舉人母夢五色石生占者謂

當以文名年二十以會試不第發憤卒集若干

卷今錄詩四首

古意

小十
憶妾十五嘗帶花摘荷葉。狡童不見花只悅妾顏色。
孫錡曰取士先名譽此世之所以多飾行也。

宿寶雞

寶雞主人年已老。天寒畱客陳倉道。石徑梅花開一株。
竹堂夜放金樽倒。燈明星爛繁霜稠。秦姬醉唱使人愁。
老人意如渭河水。東流不到隴西頭。

聞太原寇警

聞說青羊塞猶張赤虎旂。共傳汾水亂誰解潞州圍。雉
兔紛虞澤豺狼近漢畿。三秦豪傑在何日捷書飛。

茂陵

落木嚴霜過漢都。武皇陵墓已荒蕪。空聞玉匣藏天馬。
猶見金鐙照野狐。天外銅仙清露盡。壇中丹竈白雲孤。
千秋惟有秋風曲。渭水東流啼夜烏。

高節

節字竹亭別字大鶴羅江人嘉靖朝第二人及
第集若干卷今錄詩一首

綿州江石歌示舍弟第

大鶴仙人鐵肺肝。曾將直道迓神姦。歸來醉臥江心石。
不畏風濤沁骨寒。老去補天思鍊此。吾弟醉眠呼不起。
安得神鞭入海東。長伴浮坻赤松子。

曹邁

邁榮縣人嘉靖進士官至南京戶科給事詩一

首

天語亭

烟花凌玉樹。高閣帶京華。海鶴迎仙仗。宮鴉噪晚霞。三江王氣盛。一統漢謨嘉。咫尺聞天語。重華協帝家。

周滿

滿字謙之。漢州人。嘉靖進士官至都御史。著有受庵詩文集若干卷。今錄詩一首。

宿後湖

鍾山屯雲吳山雨。石窟轟雷變紺宇。冬武湖前夕。照翻夜深泉。泣松根語。

柳英

英字子鍾。巫山人。嘉靖進士官至光祿寺卿。詩一首。

重遊咸平寺

復到曾遊寺。青山自昔同。野雲千樹白。初日一龕紅。古屋斜遮雨。虛堂直受風。塵埃題句在。無復碧紗籠。

陳杰

杰字位卿。成都人。官至湖北廣濟縣知縣。詩一首。

九十臨歿偈詞

我還造化今日有。造化還予昔日無。撒手風塵三十載。白雲明月遍江湖。
湖按杰本傳致仕。年六十矣。故詩云云。

六十八

同詩卷

七

古棠書屋

趙貞吉

貞吉字孟靜內江人嘉靖進士官至禮部尙書
初鄉薦後謁楊文忠公目爲社稷之器在戶部
時與嚴嵩不合奪官後嵩敗起復多爲人論人
心道心精一執中之旨著有大洲集若干卷今
錄詩十三首

曉臺送客

使車十日^作馬暮過蘇門嘯臺下空裏如聞鸞鳳音
途中不遇猖狂者可憐孫阮不相待至今惟有高臺在
雲邊影落雪山草際烟浮白泉瀨與君作別共新春
梁我入秦洛中名士多相識莫問窮途慟哭人

桃榔場放歌

風吹泉乍酒香洸水東合河流黃落日正挂崑崙旁
手撚白羽臨校場借君廐上之驕驍蔥海蹴躡猶堂隍
琵琶一曲彈青商天女肯嫁烏孫王

南津公館

南津嘔啞聞秋語濕擗黃蕉掩幽處關門夜聞稻花香
銀河曉洗流雲杼蘆笙含風蘄簟涼白露蒼二葭莖黃
嬌猩葉舞一蝶墮似惜清翹浣花餓

夜飲郭令宅分韻得寂字

土龍壩湖小波寂星收園聲光歷二白鳥睡驚柘寒滴
葛巾公子巧中的蔗漿洗襟盈浙瀝青苧畦中起束皙

大...日廿七

南津公館

古棠書屋

古棠書屋

城上割風學吹笛

宿大峩峩頂

青蒼臨萬仞東北頽。成都此夜高峩峩。諸天興不孤人聲喧。下界雲影落冰壺。尺五通霄漢。遙二種白榆。

木皮殿

木皮團作屋。寒雪築成途。共守燒山火。平分煮茗爐。飢猿雲外臥。老衲定中枯。杖策臨方丈。梵聲乍有無。

岳祠簡華陰令

新作王門使。來依茂宰居。烟花松社屐。風雨竹林書。寂寂春將暮。綿二思有餘。愁深仍向夕。戶影岳雲虛。

何柘湖金陵園居詩次韻

新買湖山住舊京。灌園時

山中行。淒涼謝傅懷山意。

蕭瑟王郎誓墓情。渺二雲中方縱鶴。冥二花外又聞鶯。

春風盡日芊綿裏。誰伴金車出石城。

送張少渠給事守東萊一首

一麾何事海東行。萬里三山蜃氣橫。雲外神仙應可見。水中樓閣不須驚。頻年憂國蒼生淚。盛日浮家皂帽情。十載燕臺軟紅跡。分張容易著前程。

送張龍坪侍御備兵東沂

手握兵符去魯中。指揮諸將尙乘驄。密收海上酬恩士。漸散山南挾彈雄。繡服勸耕滕壤外。露車較獵許田東。書生自有匡豈畧。休問橋邊黃石公。

邵窩

萬疊青山百道泉。一窩烟雨玩先天。如何尚有英雄氣。儘著皇王帝伯篇。

初至伏牛山

終南捷徑不須猜。少日追名老大回。辨得七松行道處。歸遲猶勝未歸來。

宿蘇長公洗墨池亭作

江空草綠酒旗風。半醉黃州烟雨中。五百年來名輩盡。有人重唱大江東。

樹曰如許自負

胡汝霖

汝霖字青岩綿州人嘉靖進士官至都御史集若干卷今錄詩二首

石鐘山

攜手陟雲洞。發石作鐘聲。欲試鈞天樂。先觀比玉心。

岳陽樓

岳陽樓閣倚雲開。漢沔風濤日夜來。欲弔湘纍侶。漁父漢庭零落賈生才。

黃元白

元白字用章達州人嘉靖進士官至陝西分守詩一首

與客

小十又
與客消殘一局棋。古今盛負使人悲。應知楚漢空遺迹。
不見陳隋是舊時。歷劫不隨流水去。爛柯猶戀夕陽遲。
興亡到眼忽。二過長夏闌干有所思。

蹇來譽

來譽重慶人嘉靖進士詩一首

華山

三峯高不極。雲外長烟蘿。只見羣仙臥。世間萬乘過。車
箱雲欲斷。仙掌雪仍多。立馬平原晚。蒼茫發浩歌。

陳宗虞

宗虞字六亭閬中人嘉靖進士曾官督學使著
有臥雲樓集若干卷今錄詩七首

白帝城

孤城當白帝。夕照一登臨。山色含風雨。江聲變古今。伯
圖千載盡。客思九秋深。無限英雄恨。淒其聞雁音。

瞿唐

瞿唐天下險。積霧晝難開。寒峽四時雨。空山十月雷。雲
開三楚盡。江動萬山來。鐵鎖還千尺。頻聞躍馬才。

石鐘山

一片孤城雙石鐘。凌層傑閣隱芙蓉。雲摧峭壁愁黃鶴。
雷起陰潭上白龍。揚子暮潮橫極浦。匡廬殘雪見中峯。
乾坤今古雄天塹。却訝南州有戍烽。

一眺滄波萬里流。東南吳楚坐中收。峯高烏鵲乘寒度。

水濶魚龍吹浪遊。落日倒翻河漢影。斷虹長挂石梁秋。
天涯憔悴誰能解。芳草浮雲處。二愁。

都蠻在敘南常來入寇近。至剖孕膈嬰虐不忍。
言中丞曾公六月帥師盡蕩蠻穴作詩三首

高秋幕府日南天。坐策將軍下瀨船。曠弩長矛三十萬。
一時風雨蕩蠻烟。

師行橫絕大峩巔。倚劍天門凱唱還。三十六峯親勒石。
勲名那用說燕然。

錦官楊柳日依依。二甲士旋歸賦采薇。頗收行知宣禁署。
萬年天子正垂衣。

費經虞曰頗收禁署令人輒有拊髀之想

送胡生南歸

揚子江風落暮潮。瓜洲夜月起蘭橈。西湖歸去三千里。
人在芙蓉第幾橋。

馬麟

麟巴縣人嘉靖進士官至南京主事詩一首

後湖卽事

萬頃圍孤島。沙鷗浩蕩閒。分流通御苑。涵影倒鐘山。書
劍霑雲濕。鶯花盡日閒。扁舟遠無際。縹緲隔塵寰。

竇翰

翰長壽人嘉靖進士詩一首

雪庵上人像

小十又
作計溷漁樵。龍門避世高。乾坤入長夜。江海狎洪濤。法界猶周粟。空山自楚騷。本來真面目。流落愧蓬蒿。

陳以勤

以勤字逸甫。號松谷。嘉靖進士。歷官至吏部尚書。晉少保。當羣小用事之昔。而能持正中立。已而乞歸。上六事。亦達大體。卒贈太傅。諡文端。著有青居山房稿若干卷。今錄詩一首。

登華岳

獨立三峯頂。當頭祇有天。縱橫雙去鳥。合造萬重烟。仙去惟畱掌。池枯尚有蓮。蒼茫人代速。奄忽漢唐年。

謝東山

東山字幼安。射洪人。嘉靖進士官至山東巡撫。著有近譬軒詩集若干卷。今錄詩二首。

鳳縣道中遇楊果齋。柩以詩哭之。兼示其二子。膠路風霜泣路歧。空山鳴鳥尙含悲。一封北海回天日。萬里南星隕地時。丹旄雲飛魂去疾。蓼莪風靜客過遲。聖明他日思賢輔。風度何人繼羽儀。

次雲屏九日韻

海門孤嶼湧中流。千古龍祠在上頭。記得雙旌蒼水使。春風一舸下渝州。

范懋和

懋和富順人。嘉靖舉人。詩一首。

華山

壯氣平生低五岳兩經太華竟如何仙人竹杖不可得
絕頂烟霞空自多孤掌雲中擎白日三峯天外照黃河
雨後高原一立馬鸞鵠浩蕩凌嵯峨

周 爻

爻宜賓人嘉靖進士官至南京戶部主事詩一

首

後湖

佳景白天開烟波接上臺月明歌管合還載麗人來

李臨陽

臨陽江津人嘉靖進士官至陝西按察使詩一

首

岳陽樓

江天木落一登樓鴻雁瀟湘正晚秋日暮不知風雨過
更呼明月泛漁舟

毛 起

起夾江人嘉靖舉人詩一首

西坡寺送客

危樓光翠接峨眉祇樹臨風向晚吹地主相逢還送別
平羌江月照人遲

甘 如

茹字征甫富順人嘉靖進士官至山東按察副

使集若干卷詩二首

張桓侯廟

旅泊雲陽縣重瞻漢將祠風雲生咤叱日月照鬚眉故
里真王盡空山杜宇悲一編存帝紀魂斷隕星時

送成邑博

江城秋色暮客子去何之司馬浮湘日元王設醴時風
吹巫峽冷日落洞庭遲欲識相思調君聽苦竹詞

張佳胤

佳胤字肖甫銅梁人嘉靖進士官至兵部尚書

與王世貞為七子之一五子官皆不達世貞進

六卿獨佳胤鎮雄邊定大變入正樞席以功名

終始節鉞之暇輕裘緩帶賓禮寒素鼓吹風雅

文士之坎壈失職者倚以為重卒贈少保諡襄

敏著有詩集三十餘卷陳臥子稱其莊雅警拔

為李王後勁今錄詩十七首

瑤臺觀

夙齡尚幽討巖壑多奇緣不謂茲路艱而來契冥筮大

夏城東陽孤峯何嶮岏玉臺象雲構日月摩其巔雷洞

閉多霧青宮襍瑤編弱葛初可捫裊生蒼烟條華翼

肘腋龍門落高天河汾去若髮濯泳聲潺萬慮欣自

失曾是栖人間員嶠信可託婚宦空流連

詠懷四首

小文
妾本西隣女。冰心厲蘭房。綢繆感君意。贈我明月璫。明
璫佩羅縵。結髮事君堂。十年理瑤瑟。雙栖金鳳凰。霜露
偶零落。蕙草摧其芳。明璫還致君。形影參與商。明璫色
不改。賤妾心如常。填海易爲力。君懷獨難量。

澍曰士惟是進以禮退以義君懷之能量與否何計
焉

出門起四顧。四顧俱無雲。雙雁西南飛。嗷二求其羣。誰
家遊冶兒。弓劍相繽紛。彈發亦累百。何由戾青旻。天路
廣無極。人心浩難論。我非燕雀侶。於世寡所營。萬物各
有役。恩怨各有情。寄謝少年子。翩二入太清。
城隅羅第宅。朱樓凌仙霞。帷幙日夜捲。鐘鼓相喧譁。秦

箏行玉斗。齊瑟揚青娥。豐膳充方物。日月苦推磨。滄海
難久持。桑田變其波。盛滿不知止。執去將如何。

澍曰盛滿十字的是名言

我行孟冬月。去二何所之。理策於平陽。運化觀無爲。陶
唐不可作。含意將告誰。姑射旣西峙。霍雲還北飛。朱草
發瑤洞。日夕天風吹。四海不足步。逍遙臨華池。左撫黃
帝肩。右攬王母衣。功名非長好。天地以爲期。

澍曰末章託言游仙高舉極矣然終是本領不濟

大梁二首

策馬大梁城。空臺耀平陸。荆榛蔽層梯。秋風颯高竹。徙
倚深躡躡。浮雲下喬木。憶昔全盛時。蛾眉映羅縠。軍容

壯九野。詞客紛華屋。人事成古今。轉移若輪軸。豪貴倘可常。亭榭無樵牧。

我本倦游者。飄泊來梁園。遠峰見芒碭。洪流溯崑崙。遐睎不滿意。悠哉傷心魂。寒予秉微尚。中路轉荒榛。曾聞老監者。意氣薄秋旻。殞首報知己。死生何足論。此道久淪喪。雙淚揮夷門。

詠懷

毒暑不辭鍛。嚴冬尙爲漁。裘葛有本性。生事因其居。伊予觸世網。轉與青雲疏。一謫孟諸野。再遷首陽硯。素位守明誠。窮途豈欲歔。貴者日以貴。寧得辭勞劬。賤者日以賤。庶幾遠禍樞。

立秋簡徐子與

涼風厲商氣。颯然驚早秋。白日下圓景。大火西南流。年序忽不處。陳蔡難久留。案牘繁且迫。胡爲日綢繆。洪河逝如斯。草蟲夜啾啾。二淩厲緬千古。遠則懷前修。女蘿挂喬幹。蚯蚓吸深湫。託勢有崇卑。適志其良謀。

晚入通海

參代昏正中。脂車卽廣路。松燈馬首明。嚴飈起夕霧。海氣蒸春衣。攬金逼高戍。微茫一褰帷。不辨山與樹。城邑行已遙。寒濤響孤鷺。萬里誠遠遊。宵征何已故。

上谷使院中課園丁有作

小圃開臺西。羣芳會首夏。散履退自公。移觴託休暇。改

小文
服課園丁。流泉任委瀉膏雨。抽新條。停雲拂高榭。閒關
眾鳥鳴。葳蕤落紅藉。悠然抱雙情。宛在南山下。

寄題永嘉王陽德陽湖精舍

招隱豈在深。智者秉微尚。伊人臥陽湖。幽襟謝塵鞅。丹
霞遞崇椒。南北兩雁蕩。萬象厲景光。凌緬非一狀。鴟夷
任所之。滄浪發高唱。扁舟就何時。逝將剡川放。

謝曰。朱竹垞詩話曰。肖甫以功業顯。其詩亦多慨抗
奮厲之氣。與仰屋梁著書者不同。人皆稱其近體不
若五古較勝十等。

烏蠻灘

烏蠻灘前石齒。二盤渦轉地。驚濤起。險絕空傳灑。瀕堆。

估客帆。檣愁欲。萬里江源異域來。右出夜郎左交趾。
青天赤日毒霧合。站二飛鷺墮深水。我本西梁道上人。
瘴鄉奔逐胡爲爾。停舟一奠伏波祠。丹荔黃蕉前致詞。
英雄心事無今古。神物風雲各有時。銅柱功名倘難就。
澤車款段任吾之。

宿黃牛峽

春到黃牛峽。江僻白帝城。楚雲高不落。巴水去無聲。絕
塞書難得。孤舟月更明。棹歌聽自短。幾處夜猿鳴。

赴雁門聞虜退去呈楊中丞

驅車九月度飛狐。萬里霜淒塞草枯。白馬偶來逢使者。
黃沙何處走單于。胡雲夜動雙龍匣。漢日秋懸八陣圖。

一自雁門畱李牧邊關烽火至今無

登函關城樓

樓上春雲雉堞齊秦川芳草自萋萋黃看雨後河流急
青入窗中華岳低客久獨憑三尺劍時清何用一凡泥
登高遠眺鄉心起關樹重遮黃嶺西

壽陵

壽陵秋草大河邊此日瞻依重惘然王氣尙畱原廟雨
隴雲猶護灌壇烟赤符金鼎開京洛客夜羊裘入御躔
謁罷晚風吹短笛滿園楸樹夕陽天

白漾漚江趨金齒

五月江聲走白沙沙邊頑石老烟霞峰陰寒積唐年雪

瘴雨香生漢樹花獨立南荒成萬里遙憑北斗問三巴
蘭津已說明朝渡絕域虛傳博望槎

敖山人病寄詩代簡

九十風光病裏過衡門高枕近如何夜來紅雨千山落
畱得春聲杜宇多

蜀明詩卷第六

